

الْمُبَارَكَةُ  
الْمُرْسَلَةُ

23

# Kanzul imalan

وَمَا لِي

SABYA  
VIRTUAL PUBLICATION

23

# Kanzul īmaan

ROMAN URDU TRANSLITERATION

وَمَالِي

IMAME AHLE SUNNAT, AALA HAZRAT  
**IMAM AHMAD RAZA KHAN BARELVI**  
RAHIMAHULLAHU TA'ALA

SABIYA  
VIRTUAL PUBLICATION

**DETAILS**

**NAME**  
**KANZUL IMAAN**  
(PART 23)

**MUTARJIM**  
IMAME AHLE SUNNAT, AALA HAZRAT  
**IMAM AHMAD RAZA KHAN BARELVI**

**ROMAN TRANSLITERATION**  
ABDE MUSTAFA OFFICIAL TRANSLATION DEPARTMENT

**SANA ISHA'AT**  
RAMAZAN 1444H  
APRIL 2023

**TOTAL PAGES**  
62

OUR DESIGNING PARTNER



**PURE SUNNI**  
GRAPHICS

PUBLISHER

**SABIYA**  
VIRTUAL PUBLICATION

SABIYA VIRTUAL PUBLICATION

**AMO**

POWERED BY ABDE MUSTAFA OFFICIAL

[info@abdemustafa.com](mailto:info@abdemustafa.com)

© 2023 All Rights Reserved.



ALLAH KE NAAM SE SHURU  
JO NIHAYAT MEHARBAAN, RAHMAT WAALA HAI

## Contents

Nashir Ki Taraf Se Kuchh Aham Baatein .....	3
Pehle Ise Padh Lijiye.....	6
<b>Surah Yaseen .....</b>	<b>10</b>
Yaseen 22-30 .....	10
Aayat 31-40.....	11
Aayat 41-50.....	12
Aayat 51-60.....	13
Aayat 61-70.....	14
Aayat 71-83.....	15
<b>Surah Saffaat.....</b>	<b>17</b>
Aayat 1-10.....	17
Aayat 11-20.....	18
Aayat 21-30.....	19
Aayat 31-40.....	20
Aayat 41-50.....	21
Aayat 51-60.....	21
Aayat 61-70.....	22
Aayat 71-80.....	23
Aayat 81-90.....	24
Aayat 91-100.....	25
Aayat 101-110.....	25
Aayat 111-120.....	27
Aayat 121-130.....	28

---

Aayat 131-140.....	28
Aayat 141-150.....	29
Aayat 151-160.....	30
Aayat 161-170.....	31
Aayat 171-182.....	32
<b>Surah Saad .....</b>	<b>33</b>
Aayat 1-10.....	33
Aayat 11-20.....	34
Aayat 21-30.....	35
Aayat 31-40.....	37
Aayat 41-50.....	38
Aayat 51-60.....	40
Aayat 61-70.....	41
Aayat 71-80.....	42
Aayat 81-88.....	43
<b>Surah Zumar.....</b>	<b>44</b>
Aayat 1-10.....	44
Aayat 11-20.....	46
Aayat 21-31.....	48
Our Books In Roman Urdu : .....	51

## Nashir Ki Taraf Se Kuchh Aham Baatein

Mukhtalaf Mamalik Se Kai Likhne Waale Humein Apna Sarmaya Irsaal Farma Rahe Hain Jinhein Hum Shaya Kar Rahe Hain, Hum Ye Batana Zaroori Samajhte Hain Ke Humari Shaya Karda Kitabo Ke Mundarijaat (Contents) Ki Zimmedari Hum Is Hadd Tak Lete Hain Ke Ye Sab Ahle Sunnat Wa Jama'at Se Hai Aur Ye Zaahir Bhi Hai Ke Har Likhari Ka Talluq Ahle Sunnat Se Hai, Dusri Janib Akabireene Ahle Sunnat Ki Jo Kitabein Shaya Ki Ja Rahi Hain To Un Ke Mutalliq Kuchh Kehne Ki Haajat Hi Nahin Phir Baat Aati Hai Lafzi Aur Imlai Ghalatiyo Ki To Jo Kitabein "Team Abde Mustafa Official" Ki Peshkash Hoti Hain Unke Liye Hum Zimmedar Hain Aur Wo Kitabein Jo Mukhtalaf Zaraaye Se Humein Mausool Hoti Hain, Un Mein Is Tarah Ki Ghalatiyo Ke Hawale Se Hum Bari Hain Ke Wahan Hum Har Har Lafz Ki Chhan Phatak Nahin Karte Aur Humara Kirdaar Bas Ek Nashir Ka Hota Hai

Ye Bhi Mumkin Hai Ke Kai Kitabo Mein Aisi Baatein Bhi Ho'n Ke Jin Se Hum Ittefaq

Nahin Rakhte, Misaal Ke Taur Par Kisi Kitab  
Mein Koi Aisi Riwayat Bhi Ho Sakti Hai Ke  
Tehqeeq Se Jis Ka Jhoota Hona Ab Saabit Ho  
Chuka Hai Lekin Use Likhne Waale Ne Adame  
Tawajjo Ki Bina Par Naqal Kar Diya Ya Kisi  
Aur Wajah Se Wo Kitab Mein Aa Gai Jaisa Ke  
Ahle Ilm Par Makhfi Nahin Ke Kai Wujoohaat  
Ki Bina Par Aisa Hota Hai, To Jaisa Humne Arz  
Kiya Ke Agarche Use Hum Shaya Karte Hain  
Lekin Isse Ye Na Samjha Jaaye Ke Hum Usse  
Ittefaq Bhi Karte Hain

Ek Misaal Aur Hum Ahle Sunnat Ke Mabain  
Ikhtelafi Masail Ki Pesh Karna Chahte Hain Ke  
Kai Masail Aise Hain Jin Mein Ulama -e- Ahle  
Sunnat Ka Ikhtelaf Hai Aur Kisi Ek Amal Ko  
Koi Haraam Kehta Hai To Dusra Uske Jawaz  
Ka Qaail Hai, Aise Mein Jab Hum Ek Nashir Ka  
Kirdaar Ada Kar Rahe Hain To Dono Ki Kitabo  
Ko Shaya Karna Humara Kaam Hai Lekin  
Humara Mauqif Kya Hai, Ye Ek Alag Baat Hai,  
Hum Fareeqain Ki Kitabo Ko Is Bunyad Par  
Shaya Kar Sakte Hain Ke Dono Ahle Sunnat Se  
Hain Aur Ye Ikhtelafaat Furooi Hain, Isi Tarah  
Humne Lafzi Aur Imlai Ghalatiyo Ka Zikr Kiya  
Tha Jis Mein Thodi Tafseel Ye Bhi Mulahiza

Farmayein Ke Kai Alfaaz Aise Hain Ke Jin Ke  
Talaffuz Aur Imla Mein Ikhtelaf Paaya Jaata  
Hai, Ab Yahan Bhi Kuchh Aisi Hi Soorat  
Banegi Ke Hum Agarche Kisi Ek Tariqe Ki  
Sihhat Ke Qaail Ho'n Lekin Uske Khilaf Bhi  
Humari Isha'at Mein Maujood Hoga, Is Farq Ko  
Bayaan Karna Zaroori Tha Taaki Qarayeen  
Mein Se Kisi Ko Shubha Na Rahe

Team Abde Mustafa Official Ki Ilmi,  
Tehqeeqi Aur Islahi Kitabein Aur Risale Kai  
Marahil Se Guzarne Ke Baad Shaya Hote Hain  
Lekin Iske Bawajood In Mein Bhi Aisi  
Ghalatiyo Ka Paaya Jaana Mumkin Hai Lihaza  
Agar Aap Unhein Paayein To Humein Zaroor  
Batayein Taaki Uski Tashih Ki Ja Sake

**Sabiya Virtual Publication**

Powered By Abde Mustafa Official

## Pehle Ise Padh Lijiye

**Kanzul Imaan, Qurane Kareem Ka Urdu Tarjuma Hai Jo Imame Ahle Sunnat, Aala Hazrat, Imam Ahmad Raza Khan Barelvı Rahimahullahu Ta'ala Ne Kiya Hai**

Kai Zubano Mein Iske Tarjumo Par Kaam Ho Chuka Hai Aur Poori Dunya Mein Ise Padhne Waale Maujood Hain, Zaroori Tha Ke Ise Roman Urdu Mein Bhi Laaya Jaaye Kyunki Ek Badi Tadaad Humare Mulk Hindustan Mein Aisi Paai Jaati Hai Jo Urdu Aur Hindi Dono Padhna Nahin Jaanti Lekin Roman Urdu Achhi Tarah Padh Aur Samajh Leti Hai

Roman Urdu Mein Badmazhabo Ki Taraf Se Kaam Kiya Ja Raha Hai Aur Mukhtalif Mauzuaat Par Wo Apni Kitabein Roman Urdu Mein Shaya (Publish) Kar Rahe Hain Phir Afsos Ke Saath Kehna Pad Raha Hai Ke Kai Sunni Ahbaab Bhi Un Kitabo Ko Padh Rahe Hain, Ab Aise Mein Hum Par Laazim Hai Ke Jahan Tak Ho Sake Roman Urdu Mein Ahle Sunnat Ke Literature Ko Aam Kiya Jaaye

Kanzul Imaan Ko Roman Urdu Mein Aur Bhi Chand Nashireen Ne Kiya Hai Lekin Afsos Ke

Internet Par Ab Tak Kanzul Imaan Roman Urdu Mein Available Nahin Hai! Jinhone Is Par Kaam Kiya Hai Wo Faqat Hard Copies Yaani Kitabein Chhaap Kar Bechne Ke Hi Qaail Hain, Unhein Soft Copies Yaani PDF Waghaira Fuzool Nazar Aata Hai Jaisa Ke Humne Chand Nashireen Ko Kehta Hua Paaya, Hum Unke Is Nazariye Se Kisi Tarah Ittefaq Nahin Kar Sakte Kyunki Hum Is Shobe Mein Kaam Kar Rahe Hain Aur Musalsal Milne Waale Tassuraat Se Yaqeen Ke Saath Keh Sakte Hain Ke Digital Publishing Ki Ab Bahut Zyada Zaroorat Hai Aur Yahan Bhi Readers Kam Nahin Hain

Jab Humare Paas Kanzul Imaan Ki Demands Aani Shuru Hui To Awwalan Humne Yahi Kaha Ke Internet Par Talash Ki Jaaye Kyunki Humein Lagta Tha Ke Kanzul Imaan Roman Urdu Mein Net Par Zaroor Available Hogi Lekin Jab Maloom Hua Ke Koi Achhi File Maujood Nahin Hai To Bahut Afsos Hua, Hum Ne Fauran Irada Kar Liya Ke Ye Kaam Bhi Jald Az Jald Anjaam Dena Hai Aur Is Par Kaam Shuru Kar Diya Gaya, Iski Kuchh Tafseelaat Darje Zel Hain :

**(A) Ye Roman Urdu Bilkul Aasan Tarz Par Ki**

---

Gai Hai Yaani Special Characters Waghaira Ka  
Istemal Nahin Kiya Gaya Hai Jaisa Ke Baaz  
Roman Urdu Likhne Waale Karte Hain

**(B)** Sirf Tarjume Ko Roman Urdu Kiya Gaya  
Hai, Aayato Ko Roman Urdu Mein Likhne Se  
Ulama -e- Ahle Sunnat Ne Sakhti Se Mana  
Farmaya Hai Aur Ise Najaizo Haraam Bataya  
Hai Lihaza Sirf Tarjume Par Hi Iktifa Kiya  
Gaya Hai, Humare Mulk Mein Aayato Ko Bhi  
Roman Urdu Mein Kar Ke Kanzul Imaan Ko  
Chhaapa Ja Raha Hai Jo Ke Ek Qabile  
Mazammat Amal Hai

**(C)** Paara Wise Aur Mukammal Dono Tarah Ki  
Files Ko Publish Kiya Gaya Hai

**(D)** PDF Ke Ilawa EPUB Format Bhi Tayyar  
Kiya Gaya Hai Jahan Aap E Book Readers Ki  
Madad Se Customization Ke Saath Padh Sakte  
Hain Aur Search, Copy Aur Paste Ba Aasani  
Kar Sakte Hain

**(E)** Fehrist Mein 10-10 Aayato Ki Links De Di  
Gai Hain Jiske Zariye Fauran Matlooba Aayat  
Ko Dekha Ja Sakta Hai

Iske Ilawa Aur Bhi Baatein Hain Jo Aap  
Khud Mulahiza Farmayenge

Allah Ta'ala Ise Apni Bargah Mein Qabool

Farmaye Aur Humare Liye Maghfirat Ka  
Samaan Banaye

**Abde Mustafa**

Muhammad Sabir Ismayeeli Qadri Razvi  
CEO, Founder Abde Mustafa Official

## Surah Yaseen

### Yaseen 22-30

Aur Mujhe Kya Hai Ke Uski Bandagi Na Karun  
Jisne Mujhe Paida Kiya Aur Usi Ki Taraf  
Tumhein Palatna Hai.(22)

Kya Allah Ke Siwa Aur Khuda Thehraun Ke  
Agar Rahman Mera Kuchh Bura Chahe To Unki  
Sifarish Mere Kuchh Kaam Na Aaye Aur Na  
Wo Mujhe Bacha Saken.(23)

Beshak Jab To Mai Khuli Gumrahi Me  
Hun.(24)

Muqarrar Mai Tumhare Rabb Par Imaan. Laya  
To Meri Suno.(25)

Usse Farmaya Gaya Ke Jannat Me Dakhil Ho  
Kaha Kisi Tarah Meri Qaum Janti.(26)

Jaisi Mere Rabb Ne Meri Magfirat Ki Aur  
Mujhe Izzat Walon Me Kiya.(27)

Aur Humne Uske Baad Uski Qaum Par Aasman  
Se Koi Lashkar Na Utara Aur Na Hume Wahan  
Koi Lashkar Utarna Tha.(28)

Wo To Bas Ek Hi Cheekh Thi Jabhi Wo Bujh  
Kar Reh Gaye.(29)

Aur Kaha Gaya Ke Haaye Afsos Un Bando Par  
Kab Unke Paas Koi Rasool Aata Hai To Usse  
Thattha Hi Karte Hain.(30)

### **Aayat 31-40**

Kya Unhone Na Dekha Humne Usne Pehle  
Kitni Sangate Halak Fatmayi Ke Wo Ab Unki  
Taraf Palatne Wale Nahi.(31)

Aur Jitne Bhi Hain Sabke Sab Hamare Huzoor  
Hazir Laye Jayenge.(32)

Aur Unke Liye Ek Nishani Murda Zameen Hai  
Humne Use Zinda Kiya Aur Fir Usse Anaj  
Nikala To Usme Se Khate Hain.(33)

Aur Humne Usme Baagh Banaye Khajooro Aur  
Angooro Ke Aur Humne Usme Kuchh  
Chashme Bahaye.(34)

Ke Uske Phalo Me Se Khayen Aur Use Unke  
Hath Ke Banaye Nahi To Kya Haqq Na  
Manenge.(35)

Paaki Hai Use Jisne Sab Jode Banaye Un  
Chhezo Se Jinen Zameen Ugati Hai Aur Khud  
Unse Aur Un Cheezon Se Jin Ki Unhen Khabar  
Nahi.(36)

Aur Unke Liye Ek Nishani Raat Hai Hum Us

Par Se Din Kheench Lete Hain Kabhi Wo  
Andhere Me Hai.(37)

Aur Suraj Chalta Hai Apne Ek Thehraw Ke Liye  
Ye Hukm Hai Zabardast Ilm Wale Ka.(38)

Aur Chand Ke Liye Humne Manzile Muqarrar  
Yahan Tak Ke Fir Ho Gaya Jaisi Khajoor Ki  
Purani Daal.(39)

Suraj Ko Nahi Pahuchta Ke Chand Ko Pakad Le  
Aur Na Raat Din Par Sabqat Le Jaye Aur Har  
Ek Ek Ghere Me Pair Raha Hai.(40)

### **Aayat 41-50**

Aur Unke Liye Ek Nishani Ye Hai Ke Unhen  
Unke Buzуро Ki Peeth Me Humne Bhari  
Kashti Me Sawaar Kiya.(41)

Aur Unke Liye Waisi Hi Kashtiyān Bana Di Jin  
Par Sawaar Hote Hain.(42)

Aur Hum Chaahen To Unhen Dubo Den To Na  
Koi Unki Fariyad Ko Pahuchne Wala Ho Aur  
Na Wo Bachaye Jayen.(43)

Magar Hamari Taraf Ki Rahmat Aur Ek Waqt  
Tak Baratne Dena.(44)

Aur Jab Unse Farmaya Jata Hai Daro Tum Usse  
Jo Tumhare Samne Hai Aur Jo Tumhare

Peechhe Aane Wala Hai Is Ummeed Par Ke  
Tum Par Mehar Ho To Muh Fer Lete Hain.(45)  
Aur Jab Kabhi Unke Rabb Ki Nishaniyon Se  
Koi Nishani Unke Paas Aayi Hai To Usse Muh  
Fer Lete Hain.(46)

Aur Jab Unse Farmaya Jaye Allah Ke Diye Me  
Se Kuchh Uski Raah Me Kharch Karo To Kafir  
Musalmano Ke Liye Kehte Hain Ke Kya Hum  
Use Khilaye Jise Allah Chahta To Khila Deta  
Tum To Nahi Magar Khuli Gumrahi Me.(47)  
Aur Kehne Hain Kab Aayega Ye Waada Agar  
Tum Sacche Ho.(48)

Raah Nahi Dekhte Magar Ek Cheekh Ki Ke  
Unhen Aa Legi Jab Wo Duniya Ke Jhagde Me  
Phanse Honge.(49)

To Na Wasiyat Kar Sakenge Aur Na Apne Ghar  
Palat Kar Jayen.(50)

## Aayat 51-60

Aur Phoonka Jayega Soor Jabhi Wo Qabro Se  
Apne Rabb Ki Tarf Daudte Challenge.(51)

Kahenge Haaye Hamari Kharabi Kis Ne Hame  
Sote Se Jaga Diya Ye Hai Wo Jiska Rahman Ne  
Waada Diya Tha Aur Rasoolo Ne Haqq

Farmaya.(52)

Wo To Na Hogi Magar Ek Chinghaad Jabhi Wo  
Sabke Sab Hamare Huzoor Hazir Ho  
Jayenge.(53)

To Aaj Kisi Jaan Par Kuchh Zulm Na Hoga Aur  
Tumhen Badla Na Milega Magar Apne Kiye  
Ka.(54)

Beshak Jannat Wale Aaj Dil Ke Behlaawo Me  
Chain Karte Hain.(55)

Wo Aur Unki Biwian Saayo Me Hain Takhto  
Par Takiya Lagaye.(56)

Unke Liye Usme Mewa Hai Aur Unke Liye Hai  
Usme Jo Maange.(57)

Un Par Salam Hoga Meharban Rabb Ka  
Farmaya Hua (58)

Aur Aaj Alag Fat Jao Ay Mujrimo.(59)

Ay Aulade Aadam Kya Maine Tumse Ahad Na  
Liya Tha Ke Shaitan Ko Na Poojna Beshak Wo  
Tumhara Khula Dushman Hai.(60)

## Aayat 61-70

Aur Meri Bandagi Karna Ye Seedhi Raah  
Hai.(61)

Aur Beshak Usne Tum Me Se Bahut Si Khilqat

Ko Behka Diya To Kya Tumhen Aql Na  
Thi.(62)

Ye Hai Wo Jahannam Jiska Tumse Waada  
Tha.(63)

Aaj Is Me Jao Badla Apne Kufr Ka.(64)

Aaj Hum Unke Muhon Par Muhar Kar Denge  
Aur Unke Hath Hum Se Baat Karenge Aur  
Unke Paanw Unke Kiye Ki Gawahi Denge.(65)  
Aur Agar Hum Chahte To Unki Aankhe Mita  
Dete Fir Lapak Kar Raste Ki Taraf Jaye To  
Unhen Kuchh Na Soojhta.(66)

Aur Agar Hum Chahte To Unke Ghar Beithe  
Unki Auraten Badal Dete Ki Na Aage Badh  
Sakte Na Peechhe Lautate.(67)

Aur Jise Hum Badi Umr Ka Karen Use Paidaish  
Me Ulta Fere To Kya Samjhte Nahi.(68)

Aur Humne Unko She'r Kehna Na Sikhaya Aur  
Na Wo Unki Shan Ke Laaiq Hai Wo To Nahi  
Magar Naseehat Aur Raushan Qur'an.(69)

Ke Use Daraye Jo Zinda Ho Aur Kafiron Par  
Baat Sabit Ho Jaye.(70)

### **Aayat 71-83**

Aur Kya Unhone Na Dekha Ke Humne Apne

Hath Ke Banaye Hue Chaupaye Unke Liye  
Paida Kiye To Ye Unke Malik Hain.(71)

Aur Unhen Unke Liye Narm Kar Diya To Kisi  
Par Sawaar Hote Aur Kisi Ko Khate Hain.(72)

Aur Unke Liye Unme Kar Tarah Ke Nafe Aur  
Peene Ki Cheezen Hain To Kya Shukr Na  
Kareng.(73)

Aur Unhone Allah Ke Siwa Aur Khuda Thehra  
Liye Ke Shayad Unki Madad Ho.(74)

Wo Unki Madad Nahi Kar Sakte Aur Wo Unke  
Lashkar Sab Giriftar Hazir Aayenge.(75)

To Tum Unki Baat Ka Gham Na Karo Beshak  
Hum Jante Hain Hi Wo Chhupate Hain Aur  
Zahir Karte Hain.(76)

Aur Kya Aadmi Ne Na Dekha Ke Humne Use  
Pani Ki Boond Se Banaya Jabhi Wo Sareeh  
Jhagdalu Hai.(77)

Aur Hamare Liye Kahawat Kehta Hai Aur Apni  
Paidaish Bhool Gaya, Bola Aisa Kaun Hai Ke  
Haddiyon Ko Zinda Kare Jab Wo Bilkul Gal  
Gayi.(78)

Tum Farmao Unhen Wo Zinda Karega Jisne  
Pehli Baar Unhen Banaya Aur Use Har Paidaish  
Ka Ilm Hai.(79)

Jisne Tumhare Liye Hare Ped Me Se Aag Paida

---

Ki Jabhi Tum Usse Sulgate Ho.(80)

Aur Kya Wo Jisne Aasman Aur Zameen Banaye  
Un Jaise Aur Nahi Bana Sakta.(81)

Uska Kaam To Yahi Hai Ke Jab Kisi Cheez Ko  
Chahe To Usse Farmaye Ho Ja To Wo Fauran  
Ho Jati Hai.(82)

To Paki Hai Use Jiske Hath Har Cheez Ka  
Qabza Hai Aur Usi Ki Taraf Fere Jaoge.(83)

## **Surah Saffaat**

### **Aayat 1-10**

**Allah Ke Naam Se Shuru Jo Bahut Meharban  
Rahmat Waala**

Qasam Unki Ke Baqaida Saf Bandhein (1)

Phir Unki Ke Jhidak Kar Chalayein (2)

Phir Un Jama'ato Ki Ke Quran Padhein (3)

Beshak Tumhara Mabood Zaroor Ek Hai (4)

Malik Aasmano Aur Zameen Ka Aur Jo Kuchh  
Unke Darmiyan Hai Aur Maalik Mashriqo Ka  
(5)

Beshak Humne Niche Ke Aasman Ko Taaro Ke

---

Singaar Se Aarasta Kiya (6)

Aur Nigah Rakhne Ko Har Shaitan Sarkash Se  
(7)

Aalame Baala Ki Taraf Kaan Nahin Laga Sakte  
Aur Un Par Har Taraf Se Maar Phenk Hoti Hai  
(8)

Unhein Bhagane Ko Aur Unke Liye Humesha  
Ka Azaab (9)

Magar Jo Ek Aadhi Baar Uchak Le Chala To  
Raushan Angaar Uske Pichhe Laga (10)

## **Aayat 11-20**

To Unse Puchho Kya Un Ki Paidaish Zyada  
Mazboot Hai Ya Humari Aur Makhlooq  
(Aasmani Aur Firishto Waghaira) Ki Beshak  
Humne Unko Chipakti Mitti Se Banaya (11)  
Balki Tumhein Achamba Aaya Aur Wo Hansi  
Karte Hain (12)

Aur Samjhaye Nahin Samajhte (13)

Aur Jab Koi Nishani Dekhte Hain Thattha Karte  
Hain (14)

Aur Kehte Hain Ye To Nahin Magar Khula Jadu  
(15)

Kya Jab Hum Mar Kar Mitti Aur Haddiya Ho

Jayenge Kya Hum Zaroor Uthaye Jayenge (16)  
Aur Kya Humare Agle Baap Dada Bhi (17)  
Tum Farmao Haan Yun Ke Zaleel Ho Ke (18)  
To Wo Ek Hi Jhidak Hai Jabhi Wo Dekhne  
Lagenge (19)  
Aur Kahenge Haaye Humari Kharabi Unse  
Kaha Jayega Ye Insaf Ka Din Hai (20)

### Aayat 21-30

Ye Hai Wo Faisla Ka Din Jise Tum Jhutlate The  
(21)  
Zalimo Aur Unke Jodo Ko Aur Jo Kuchh Wo  
Pujte The (22)  
Allah Ke Siwa Un Sab Ko Haanko Raahe  
Dozakh Ki Taraf (23)  
Aur Unhein Thehrao Unse Puchhna Hai (24)  
Tumhein Kya Hua Ek Dusre Ki Madad Kyun  
Nahin Karte (25)  
Balki Wo Aaj Gardan Daale Hain (26)  
Aur Un Mein Ek Ne Dusre Ki Taraf Moonh  
Kiya Aapas Mein Puchhte Hue (27)  
Bole Tum Humare Dahni Taraf Se Behkane  
Aate The (28)  
Jawab Denge Tum Khud Hi Imaan Na Rakhte

The (29)

Aur Humara Tum Par Kuchh Qaabu Na Tha  
Balki Tum Sarkash Log The (30)

## Aayat 31-40

To Saabit Ho Gai Hum Par Humare Rab Ki Baat  
Humein Zaroor Chakhna Hai (31)

To Humne Tumhein Gumraah Kiya Ke Hum  
Khud Gumrah The (32)

To Us Din Wo Sab Ke Sab Azaab Mein Shareek  
Hain (33)

Mujrimo Ke Saath Hum Aisa Hi Karte Hain  
(34)

Beshak Jab Unse Kaha Jaata Tha Ke Allah Ke  
Siwa Kisi Ki Bandagi Nahin To Unche  
Khinchte The (35)

Aur Kehte The Kya Hum Apne Khudao Ko  
Chhod Dein Ek Deewana Shaair Ke Kehne Se  
(36)

Balki Wo To Haq Laaye Hain Aur Unhone  
Rasoolo Ki Tasdeeq Farmai (37)

Beshak Tumhein Zaroor Dukh Ki Maar  
Chakhni Hai (38)

To Tumhein Badla Na Milega Magar Apne

---

Kiye Ka (39)

Magar Jo Allah Ke Chune Hue Bande Hain (40)

## Aayat 41-50

Unke Liye Wo Rozi Hai Jo Humare Ilm Mein  
Hai (41)

Mewe Aur Unki Izzat Hogi (42)

Chain Ke Baagho Mein (43)

Takhto Par Honge Aamne Saamne (44)

Un Par Daura Hoga Nigah Ke Saamne Behti  
Sharab Ke Jaam Ka (45)

Safed Rang Peene Waalo Ke Liye Lazzat (46)

Na Us Mein Khumar Hai Aur Na Us Se Unka  
Sar Phire (47)

Aur Unke Paas Hain Jo Shauharo Ke Siwa Dusri  
Taraf Aankh Utha Kar Na Dekhengi Badi  
Aankho Waaliya (48)

Goya Wo Ande Hain Poshida Rakhe Hue (49)

To Un Mein Ek Ne Dusre Ki Taraf Moonh Kiya  
Puchhte Hue (50)

## Aayat 51-60

---

Un Mein Se Kehne Waala Bola Mera Ek Hum

Nasheen Tha (51)

Mujhse Kaha Karta Kya Tum Ise Sach Maante  
Ho (52)

Ya Jab Hum Mar Kar Mitti Aur Haddiya Ho  
Jayenge To Kya Humein Jaza Saza Di Jayegi  
(53)

Kaha Kya Tum Jhaank Kar Dekhoge (54)

Phir Jhanka To Use Beech Bhadkti Aag Mein  
Dekha (55)

Kaha Khuda Ki Qasam Qareeb Tha Ke Tu  
Mujhe Halaak Kar De (56)

Aur Mera Rab Fazl Na Kare To Zaroor Main  
Bhi Pakad Kar Haazir Kiya Jaata (57)

To Kya Humein Marna Nahin (58)

Magar Humari Pehli Maut Aur Hum Par Azaab  
Na Hoga (59)

Beshak Yahi Badi Kamyabi Hai (60)

## Aayat 61-70

Aisi Hi Baat Ke Liye Kaamiyo Ko Kaam Karna  
Chahiye (61)

To Ye Mehmani Bhali Ya Thohad Ka Ped (62)  
Beshak Humne Use Zalimo Ki Jaanch Kiya Hai  
(63)

Beshak Wo Ek Ped Hai Ke Jahannam Ki Jadein  
Nikalta Hai (64)

Uska Shagofa Jaise Dewo Ka Sar (65)

Phir Beshak Wo Us Mein Se Khayenge Phir  
Usse Pet Bharenge (66)

Phir Beshak Unke Liye Us Par Khaulte Paani Ki  
Maloni Hai (67)

Phir Unki Baazgusht Zaroor Bhadakti Aag Ki  
Taraf Hai (68)

Beshak Unhone Apne Baap Dada Gumrah  
Paaye (69)

To Wo Unhi Ke Nishane Qadam Par Daude  
Jaate Hain (70)

## Ayat 71-80

Aur Beshak Unse Pehle Bahut Se Agle Gumrah  
Hue (71)

Aur Beshak Humne Un Mein Dar Sunane  
Waale Bheje (72)

To Dekho Daraye Gayo Ka Kaisa Anjaam Hua  
(73)

Magar Allah Ke Chune Hue Bande (74)

Aur Beshak Humein Nooh Ne Pukara To Hum  
Kya Hi Achhe Qabool Farmane Waale (75)

Aur Humne Use Aur Uske Ghar Waalo Ko Badi Takleef Se Najaat Di (76)

Aur Humne Usi Ki Awlaad Baaqi Rakhi (77)

Aur Humne Pichhlo Mein Uski Tareef Baaqi Rakhi (78)

Nooh Par Salaam Ho Jahaan Waalo Mein (79)

Beshak Hum Aisa Hi Sila Dete Hain Neko Ko (80)

## Aayat 81-90

Beshak Wo Humare Aala Darja Ke Kamilul Imaan Bando Mein Hai (81)

Phir Humne Dusro Ko Dubo Diya (82)

Aur Beshak Usi Ke Giroh Se Ibrahim Hai (83)

Jabki Apne Rab Ke Paas Haazir Hua Ghair Se Salamat Dil Le Kar (84)

Jab Usne Apne Baap Aur Apni Qaum Se Farmaya Tum Kya Poojte Ho (85)

Kya Bohtan Se Allah Ke Siwa Aur Khuda Chahte Ho (86)

To Tumhara Kya Gumaan Hai Rabbul Aalameen Par (87)

Phir Usne Ek Nigah Sitaro Ko Dekha (88)

Phir Kaha Main Beemar Hone Waala Hoon (89)

To Wo Us Par Peeth De Kar Phir Gaye (90)

## Aayat 91-100

Phir Unke Khudao Ki Taraf Chhup Kar Chala  
To Kaha Kya Tum Nahin Khaate (91)  
Tumhein Kya Hua Ke Nahin Bolte (92)  
To Logon Ki Nazar Bacha Kar Unhein Dahne  
Haath Se Maarne Laga (93)  
To Kafir Uski Taraf Jaldi Karte Aaye (94)  
Farmaya Kya Apne Haath Ke Tarasho Ko Pujte  
Ho (95)  
Aur Allah Ne Tumhein Paida Kiya Aur  
Tumhare Aamaal Ko (96)  
Bole Iske Liye Ek Imarat Chino Phir Ise  
Bhadakti Aag Mein Daal Do (97)  
To Unhone Us Par Daanw Chalna Chaha  
Humne Unhein Nicha Dikhaya (98)  
Aur Kaha Main Apne Rab Ki Taraf Jaane Waala  
Hoon Ab Wo Mujhe Raah Dega (99)  
Ilahi Mujhe Laaiq Awlaad De (100)

## Aayat 101-110

To Humne Use Khushkhabri Sunai Ek Aqlmand

Ladke Ki (101)

Phir Jab Wo Uske Saath Kaam Ke Qabil Ho  
Gaya Kaha Aye Mere Bete Maine Khwab  
Dekha Ke Main Tujhe Zibah Karta Hoon Ab Tu  
Dekh Teri Kya Raaye Hai Kaha Aye Mere Baap  
Kijiye Jis Baat Ka Aapko Hukm Hota Hai  
Khuda Ne Chaha To Qareeb Hai Ke Aap Mujhe  
Sabir Payenge (102)

To Jab Un Dono Ne Humare Hukm Par Gardan  
Rakhi Aur Baap Ne Bete Ko Maathe Ke Bal  
Litaya Us Waqt Ka Haal Na Puchh (103)

Aur Humne Use Nida Farmai Aye Ibrahim  
(104)

Beshak Tu Ne Khwab Sach Kar Dikhai Hum  
Aisa Hi Sila Dete Hain Neko Ko (105)

Beshak Ye Rawish Jaanch Thi (106)

Aur Humne Ek Bada Zabiha Uske Sadqe Mein  
De Kar Use Bacha Liya (107)

Aur Humne Pichhlo Mein Uski Tareef Baaqi  
Rakhi (108)

Salam Ho Ibrahim Par (109)

Hum Aisa Hi Sila Dete Hain Neko Ko (110)

## Aayat 111-120

Beshak Wo Humare Aala Darja Ke Kamilul  
Imaan Bando Mein Hain (111)

Aur Humne Use Khushkhabri Di Is'haaq Ki Ke  
Ghaib Ki Khabrein Batane Waala Humare  
Qurbe Khaas Ke Sazawaaro Mein (112)

Aur Humne Barkat Utari Us Par Aur Is'haaq Par  
Aur Unki Awlaad Mein Koi Achha Kaam Karne  
Waala Aur Koi Apni Jaan Par Sareeh Zulm  
Karne Waala (113)

Aur Beshak Humne Moosa Aur Haroon Par  
Ehsan Farmaya (114)

Aur Unko Aur Unki Qaum Ko Badi Sakhti Se  
Najaat Bakhshi (115)

Aur Unki Humne Madad Farmai To Wahi  
Ghalib Hue (116)

Aur Humne Un Dono Ko Raushan Kitab Ata  
Farmai (117)

Aur Unko Seedhi Raah Dikhai (118)

Aur Pichhlo Mein Unki Tareef Baaqi Rakhi  
(119)

Salam Ho Moosa Aur Haroon Par (120)

## Aayat 121-130

Beshak Hum Aisa Hi Sila Dete Hain Neko Ko  
(121)

Beshak Wo Dono Humare Aala Darja Ke  
Kamilul Imaan Bando Mein Hain (122)

Aur Beshak Ilyaas Paighambaro Se Hai (123)

Jab Usne Apni Qaum Se Farmaya Kya Tum  
Darte Nahin (124)

Kya Bail Ko Poojte Ho Aur Chhodte Ho Sab Se  
Achha Paidha Karne Waale Allah Ko (125)

Jo Rab Hai Tumhara Aur Tumhare Agle Baap  
Dada Ka (126)

Phir Unhone Use Jhutlaya To Wo Zaroor Pakde  
Aayenge (127)

Magar Allah Ke Chune Hue Bande (128)

Aur Humne Pichhlo Mein Uski Sana Baaqi  
Rakhi (129)

Salam Ho Ilyaas Par (130)

## Aayat 131-140

Beshak Hum Aisa Hi Sila Dete Hain Neko Ko  
(131)

---

Beshak Wo Humare Aala Darja Ke Kamilul  
Imaan Bando Mein Hai (132)

Aur Beshak Looth Paighambaro Mein Hai (133)  
Jabki Humne Use Aur Uske Sab Ghar Waalo Ko  
Najaat Bakhshi (134)

Magar Ek Budhya Ke Reh Jaane Waalo Mein  
Hui (135)

Phir Dusro Ko Humne Halaak Farma Diya  
(136)

Aur Beshak Tum Un Par Guzarte Ho Subah Ko  
(137)

Aur Raat Mein To Kya Tumhein Aql Nahin  
(138)

Aur Beshak Yunus Paighambaro Se Hai (139)  
Jab Ke Bhari Kashti Ki Taraf Nikal Gaya (140)

## Ayat 141-150

To Qur'a Daala To Dhakelo Huo Mein Hua  
(141)

Phir Use Machhli Ne Nigal Liya Aur Wo Apne  
Aap Ko Malamat Karta Tha (142)

To Agar Wo Tasbeeh Karne Waala Na Hota  
(143)

Zaroor Uske Pet Mein Rehta Jis Din Tak Log

Uthaye Jayenge (144)

Phir Humne Use Maidan Par Daal Diya Aur Wo  
Beemaar Tha (145)

Aur Humne Us Par Kaddu Ka Ped Ugaya (146)

Aur Humne Use Lakh Aadmiyo Ki Taraf Bheja  
Balki Zyada (147)

To Wo Imaan Le Aaye To Humne Unhein Ek  
Waqt Baratne Diya (148)

To Unse Puchho Kya Tumhare Rab Ke Liye  
Betiya Hain Aur Unke Bete (149)

Ya Humne Malaika Ko Auratein Paida Kiya  
Aur Wo Haazir The (150)

## Ayat 151-160

Sunte Ho Beshak Wo Apne Bohtan Se Kehte  
Hain (151)

Ke Allah Ki Awlaad Hai Aur Beshak Zaroor  
Wo Jhoot Hain (152)

Kya Usne Betiya Pasand Ki Bete Chhod Kar  
(153)

Tumhein Kya Hai Kaisa Hukm Lagate Ho (154)

To Kya Dhyaan Nahin Karte (155)

Ya Tumhare Liye Koi Khuli Sanad Hai (156)

To Apni Kitab Lao Agar Sachhe Ho (157)

---

Aur Us Mein Aur Jinno Mein Rishta Thehraya  
Aur Beshak Jinno Ko Maloom Hai Ke Wo  
Zaroor Haazir Laaye Jayenge (158)  
Paaki Hai Allah Ko In Baato Se Ke Ye Batate  
Hain (159)  
Magar Allah Ke Chune Hue Bande (160)

### **Aayat 161-170**

To Tum Aur Jo Kuchh Tum Allah Ke Siwa  
Pujte Ho (161)  
Tum Uske Khilaf Kisi Ko Behkane Waale  
Nahin (162)  
Magar Use Jo Bhadakti Aag Mein Jaane Waala  
Hai (163)  
Aur Firishte Kehte Hain Hum Mein Har Ek Ka  
Ek Maqaam Maloom Hai (164)  
Aur Beshak Hum Par Phailaye Hukm Ke  
Muntazir Hain (165)  
Aur Beshak Hum Uski Tasbeeh Karne Waale  
Hain (166)  
Aur Beshak Wo Kehte The (167)  
Agar Humare Paas Ago Ki Koi Naseehat Hoti  
(168)  
To Hum Zaroor Allah Ke Chune Bande Hote

---

(169)

To Iske Munkir Hue To Anqareeb Jaan Lenge

(170)

## Aayat 171-182

Aur Beshak Humara Kalaam Guzar Chuka Hai  
Humare Bheje Hue Bando Ke Liye (171)

Ke Beshak Unhi Ki Madad Hogi (172)

Aur Beshak Humara Hi Lashkar Ghalib Aayega  
(173)

To Ek Waqt Tak Tum Unse Moonh Pher Lo  
(174)

Aur Unhein Dekhte Raho Ke Anqareeb Wo  
Dekhenge (175)

To Kya Humare Azaab Ki Jaldi Karte Hain  
(176)

Phir Jab Utrega Unke Aangan Mein To Daraye  
Gayo Ki Kya Hi Buri Subah Hogi (177)

Aur Ek Waqt Tak Unse Moonh Pher Lo (178)

Aur Intezar Karo Ke Wo Anqareeb Dekhenge  
(179)

Paaki Hai Tumhare Rab Ko Izzat Waale Rab Ko  
Unki Baato Se (180)

Aur Salam Hai Paighambaro Par (181)

---

Aur Sab Khoobiya'n Allah Ko Jo Saare Jahaan  
Ka Rab Hai (182)

## Surah Saad

### Aayat 1-10

Allah Ke Naam Se Shuru Jo Bahut Meharban  
Rahmat Wala.

Is Naamwar Qur'an Ki Qasam.(1)

Balki Kafir Takabbur Aur Khilaf Me Hain.(2)

Humne Unse Pehle Kitni Sangate Khapayi To  
Ab Wo Pukaren Aur Chootne Ka Waqt Na  
Tha.(3)

Aur Unhen Islam Achambha Hua Ke Unke Paas  
Unhi Me Ka Ek Darr Sunane Wala Tashreef  
Laya Aur Kafir Bole Ye Jadugar Hai Bada  
Jhutha.(4)

Kya Usne Bahut Khudao Ka Ek Khuda Kar  
Diya Beshak Ye Ajeeb Baat Hai.(5)

Aur Unme Ke Sardar Chale Ke Uske Paas Se  
Chal Do Aur Apne Khudao Par Sabir Raho  
Beshak Isme Uska Koi Matlab Hai.(6)

Ye To Humne Sabse Pichhle Deen Nasraniyat  
Me Bhi Na Suni Ye To Niri Nayi Gadhat Hai.(7)  
Kya Un Par Qur'an Utara Gaya Hum Sab Me Se  
Balki Wo Shak Me Hai Meri Kitab Se Balki  
Abhi Meri Maar Nahi Chakhi Hai.(8)

Kya Wo Tumhare Rabb Ki Rahmat Ke  
Khajanchi Hain Wo Izzat Wala Bahut Ataa  
Farmane Wala Hai.(9)

Kya Unke Liye Hai Saltanat Aasmano Aur  
Zameen Ki Aur Jo Kuchh Unke Darmiyan Hai  
To Rassiyani Latka Kar Chadh Na Jayein.(10)

### Aayat 11-20

Ye Ek Zaleel Lashkar Hai Unhin Lashkari Me  
Se Jo Wahin Bhaga Diya Jayega.(11)

Unse Pehle Jhutla Chuke Hain Nooh Ki Qaum  
Aur Aad Aur Chaumekha Karne Wala  
Firaun.(12)

Aur Samood Aur Loot Ki Qaum Aur Ban Wale  
Ye Hain Wo Giroh.(13)

Unme Koi Aisa Nahi Jisne Rasoolo Ko Na  
Jhuthlaya Ho To Mera Azaab Lazim Hua.(14)

Aur Ye Raah Nahi Dekhte Magar Ek Cheekh Ki  
Jise Koi Fer Nahi Sakta.(15)

Aur Bole Ay Hamare Rabb Hamara Hissa  
Hume Jald De De Hisab Ke Din Se Pehle.(16)

Tum Unki Baaton Par Sabr Karo Aur Hamare  
Bande Dawood Ne'maton Wale Ko Yaad Karo  
Beshak Wo Bada Ruju' Karne Wala Hai.(17)  
Beshak Hamne Uske Sath Pahad Musakhkhar  
Farma Diye Ke Tasbeeh Karte Shaam Ko Aur  
Suraj Chamakte.(18)

Aur Parinde Jama Kiye Hue Sab Uske  
Farmabardar The.(19)

Aur Humne Uski Saltanat Ko Mazboot Kiya  
Use Hikmat Aur Qaule Faisal Diya (20)

### Aayat 21-30

Aur Kya Tumhein Us Daawe Waalo Ki Bhi  
Khabar Aai Jab Wo Deewar Kood Kar Dawood  
Ki Masjid Mein Aaye (21)

Jab Wo Dawood Par Dakhil Hue To Wo Unse  
Ghabra Gaya Unhone Arz Ki Dariye Nahin  
Hum Do Fareeq Hain Ke Ek Ne Dusre Par  
Zyadati Ki Hai To Hum Mein Sachha Faisla  
Farma Dijiye Aur Khilafe Haq Na Kijiye Aur  
Humein Seedhi Raah Bataiye (22)

Beshak Ye Mera Bhai Hai Iske Paas Ninanwe

Dumbiya Hain Aur Mere Paas Ek Dumbi Ab Ye  
Kehte Hai Wo Bhi Mujhe Hawale Kar De Aur  
Baat Mein Mujh Par Zor Daalta Hai (23)

Dawood Ne Farmaya Beshak Ye Tujh Par  
Zyadati Karta Hai Ke Teri Dumbi Apni  
Dumbiyo Mein Milane Ko Maangta Hai Aur  
Beshak Aksar Saajhe Waale Ek Dusre Par  
Zyadati Karte Hain Magar Jo Imaan Laaye Aur  
Achhe Kaam Kiye Aur Wo Bahut Thode Hain  
Ab Dawood Samjha Ke Humne Ye Uski Jaanch  
Ki Thi To Apne Rab Se Muaafi Maangi Aur  
Sajde Mein Gir Pada Aur Ruju Laaya (24-sajda)

To Humne Use Ye Muaaf Farma Diya Aur  
Beshak Uske Liye Humari Bargaah Mein  
Zaroor Qurb Aur Achha Thikana Hai (25)

Aye Dawood Beshak Humne Tujhe Zameen  
Mein Naaib Kiya To Logon Mein Sachha Hukm  
Kar Aur Khwahish Ke Pichhe Na Jaana Ke  
Tujhe Allah Ki Raah Se Behka Degi Beshak Wo  
Jo Allah Ki Raah Se Behakte Hain Unke Liye  
Sakht Azaab Hai Is Par Ke Wo Hisab Ke Din  
Ko Bhool Baithe (26)

Aur Humne Aasman Aur Zameen Aur Jo Kuchh  
Unke Darmiyan Hai Bekaar Na Banaye Ye  
Kafiro Ka Gumaan Hai To Kafiro Ki Kharabi

Hai Aag Se (27)

Kya Hum Unhein Jo Imaan Laaye Aur Achhe  
Kaam Kiye Un Jaisa Kar Dein Jo Zameen Mein  
Fasaad Phailate Hain Ya Hum Parhezgaro Ko  
Shareer Be Hukmo Ke Barabar Thehra Dein  
(28)

Ye Ek Kitab Hai Ke Humne Tumhari Taraf  
Utaari Barkat Waali Taaki Iski Aayato Ko  
Sochein Aur Aqlmand Naseehat Maanein (29)  
Aur Humne Dawood Ko Suleman Ata Farmaya  
Kya Achha Banda Beshak Wo Bahut Ruju  
Laane Waala (30)

### Ayat 31-40

Jabki Us Par Pesh Kiye Gaye Teesre Pehar Ko  
Ke Rokiye To Teen Paaon Par Khade Ho  
Chauthे Sum Ka Kinara Zameen Par Lagaye  
Hue Aur Chalaiye To Hawa Ho Jaayein (31)

To Suleman Ne Kaha Mujhe In Ghodo Ki  
Muhabbat Pasand Aai Hai Apne Rab Ki Yaad  
Ke Liye Phir Unhein Chalane Ka Hukm Diya  
Yahan Tak Ke Nigah Se Parde Mein Chhup  
Gaye (32)

Phir Hukm Diya Ke Unhein Mere Paas Wapas

Lao To Unki Pindliyo Aur Gardano Par Haath  
Pherne Laga (33)

Aur Beshak Humne Suleman Ko Jaancha Aur  
Uske Takht Par Ek Be Jaan Badan Daal Diya  
Phir Ruju Laaya (34)

Arz Ki Aye Mere Rab Mujhe Bakhsh De Aur  
Mujhe Aisi Saltanat Ata Kar Ke Mere Baad Kisi  
Ko Laaiq Na Ho Beshak Tu Hai Badi Dain  
Waala (35)

To Humne Hawa Uske Bas Mein Kar Di Ke  
Uske Hukm Se Narm Narm Chalti Jahan Wo  
Chahta (36)

Aur Dew Bas Mein Kar Diye Har Maymar Aur  
Ghota Khor (37)

Aur Dusre Aur Bediyo Mein Jakde Hue (38)

Ye Humari Ata Hai Ab Tu Chahe To Ehsan Kar  
Ya Rok Rakh Tujh Par Kuchh Hisab Nahin (39)

Aur Beshak Uske Liye Humari Bargah Mein  
Zaroor Qurb Aur Achha Thikana Hai (40)

## Aayat 41-50

Aur Yaad Karo Humare Banda Ayyub Ko Jab  
Usne Apne Rab Ko Pukara Ke Mujhe Shaitan  
Ne Izaa Aur Takleef Laga Di (41)

---

Humne Farmaya Zameen Par Apna Paaon Maar  
Ye Hai Thanda Chashma Nahane Aur Peene Ko  
(42)

Aur Humne Use Uske Ghar Waale Aur Unke  
Barabar Aur Ata Farma Diye Apni Rahmat  
Karne Aur Aqlmando Ki Naseehat Ko (43)

Aur Farmaya Ke Apne Haath Mein Ek Jhaadu  
Le Kar Us Se Maar De Aur Qasam Na Tod  
Beshak Humne Use Sabir Paaya Kya Achha  
Banda Beshak Wo Bahut Ruju Laane Waala Hai  
(44)

Aur Yaad Karo Humare Bando Ibrahim Aur  
Is'haaq Aur Yaqoob Qudrat Aur Ilm Waalo Ko  
(45)

Beshak Humne Unhein Ek Khari Baat Se  
Imtiyaz Bakhsha Ke Wo Is Ghar Ki Yaad Hai  
(46)

Aur Beshak Wo Humare Nazdeek Chune Hue  
Pasandeeda Hain (47)

Aur Yaad Karo Ismayeel Aur Yasa Aur Zulkifl  
Aur Sab Achhe Hain (48)

Ye Naseehat Hai Aur Beshak Parhezgaro Ka  
Thikana Bhala (49)

Basne Ke Baagh Unke Liye Sab Darwaze Khule  
Hue (50)

---

## Aayat 51-60

Un Mein Takiya Lagaye Un Mein Bahut Se  
Mewe Aur Sharab Maangte Hain (51)

Aur Unke Paas Wo Bibiya Hain Ke Apne  
Shauhar Ke Siwa Aur Ki Taraf Aankh Nahin  
Uthati Ek Umr Ki (52)

Ye Hai Wo Jiska Tumhein Waada Diya Jaata  
Hai Hisab Ke Din (53)

Beshak Ye Humara Rizq Hai Ke Kabhi Khatm  
Na Hoga (54)

Unko To Ye Hai Aur Beshak Sarkasho Ka Bura  
Thikana (55)

Jahannam Ke Us Mein Jayenge To Kya Hi Bura  
Bichhauna (56)

Un Ko Ye Hai To Use Chakhein Khaulta Paani  
Aur Peep (57)

Aur Usi Shakl Ke Aur Jode (58)

Unse Kaha Jayega Ye Ek Aur Fauj Tumhare  
Saath Dhansi Padti Hai Jo Tumhari Thi Wo  
Kahenge Unko Khuli Jagah Na Milo Aag Mein  
To Unko Jaana Hi Hai Wahan Bhi Tang Jagah  
Mein Rahein (59)

Taabe Bole Balki Tumhein Khuli Jagah Na

Milo Ye Musibat Tum Humare Aage Laaye To  
Kya Hi Bura Thikana (60)

## Aayat 61-70

Wo Bole Aye Humare Rab Jo Ye Musibat  
Humare Aage Laaya Use Aag Mein Doona  
Azaab Badha (61)

Aur Bole Humein Kya Hua Hum Un Mardo Ko  
Nahin Dekhte Jinhein Bura Samajhte The (62)  
Kya Humne Unhein Hansi Bana Liya Ya  
Aankhein Unki Taraf Se Phir Gai (63)

Beshak Ye Zaroor Haq Hai Dozakhiyo Ka  
Baaham Jhagda (64)

Tum Farmao Main Dar Sunane Waala Hi Hoon  
Aur Mabood Koi Nahin Magar Ek Allah Sab  
Par Ghalib (65)

Malik Aasmano Aur Zameen Ka Aur Jo Kuchh  
Unke Darmiyan Hai Sahibe Izzat Bada  
Bakhshne Waala (66)

Tum Farmao Wo Badi Khabar Hai (67)

Tum Usse Ghaflat Mein Ho (68)

Mujhe Aalame Baala Ki Kya Khabar Thi Jab  
Wo Jhagadte The (69)

Mujhe To Yahi Wahih Hoti Hai Ke Main Nahin

Magar Raushan Dar Sunane Waala (70)

## Aayat 71-80

Jab Tumhare Rab Ne Firishto Se Farmaya Ke  
Main Mitti Se Insan Banaunga (71)

Phir Jab Main Use Theek Bana Loon Aur Us  
Mein Apni Taraf Ki Rooh Phunku To Tum Uske  
Liye Sajde Mein Girna (72)

To Sab Firishto Ne Sajda Kiya Ek Ek Ne Koi  
Baaqi Na Raha (73)

Magar Iblees Ne Usne Ghuroor Kiya Aur Wo  
Tha Hi Kafiro Mein (74)

Farmaya Aye Iblees Tujhe Kis Cheez Ne Roka  
Ke Tu Uske Liye Sajda Kare Jise Maine Apne  
Haatho Se Banaya Kya Tujhe Ghuroor Aa Gaya  
Ya Tu Tha Hi Maghrooro Mein (75)

Bola Main Isse Behtar Hoon Tune Mujhe Aag  
Se Banaya Aur Ise Mitti Se Paida Kiya (76)

Farmaya Ke Tu Jannat Se Nikal Ja Ke Tu  
Raandha Gaya (77)

Aur Beshak Tujh Par Meri Lanat Hai Qiyamat  
Tak (78)

Bola Aye Mere Rab Aisa Hai To Mujhe Mohlat  
De Us Din Tak Ke Wo Utha Liye Jaayein (79)

Farmaya To Tu Mohlat Waalo Mein Hai (80)

## Aayat 81-88

Us Jaane Hue Waqt Ke Din Tak (81)

Bola To Teri Izzat Ki Qasam Zaroor Main In  
Sab Ko Gumrah Kar Dunga (82)

Magar Jo Un Mein Tere Chune Hue Bande Hain  
(83)

Farmaya To Sach Ye Hai Aur Main Sach Hi  
Farmata Hoon (84)

Beshak Main Zaroor Jahannam Bhar Dunga  
Tujhse Aur Un Mein Se Jitne Teri Pairwi  
Karenge Sab Se (85)

Tum Farmao Is Quran Par Tumse Kuchh Ajr  
Nahin Maangta Aur Main Banawat Waalo Mein  
Nahin (86)

Wo To Nahin Magar Naseehat Saare Jahaan Ke  
Liye (87)

Aur Zaroor Ek Waqt Ke Baad Tum Uski Khabar  
Janoge (88)

## Surah Zumar

### Aayat 1-10

Allah Ke Naam Se Shuru Jo Bahut Meharban  
Rahmat Waala

Kitab Utarna Hai Allah Izzat Wa Hikmat Waale  
Ki Taraf Se (1)

Beshak Humne Ye Kitab Tumhari Taraf Haq Ke  
Saath Utaari To Allah Ko Poojo Nire Uske  
Bande Ho Kar (2)

Haan Khalis Allah Hi Ki Bandagi Hai Aur Wo  
Jinhone Iske Siwa Aur Waali Bana Liye Kehte  
Hain Hum To Unhein Sirf Itni Baat Ke Liye  
Pujte Hain Ke Ye Humein Allah Ke Paas  
Nazdeek Kar Dein Allah In Mein Faisla Kar  
Dega Is Baat Ka Jis Mein Ikhtelaf Kar Rahe  
Hain Beshak Allah Raah Nahin Deta Use Jo  
Jhoota Bada Nashukra (3)

Allah Apne Liye Bachha Banata To Apni  
Makhlooq Mein Se Jise Chahta Chun Leta Paaki  
Hai Use Wahi Hai Ek Allah Sab Par Ghalib (4)  
Usne Aasman Aur Zameen Haq Banaye Raat

---

Ko Din Par Lapet'ta Hai Aur Din Ko Raat Par  
Lapet'ta Hai Aur Usne Chand Aur Suraj Ko  
Kaam Mein Lagaya Har Ek Thehrai Miyaad Ke  
Liye Chalta Hai Sunta Hai Wahi Saahibe Izzat  
Bakhshne Waala Hai (5)

Usne Tumhein Ek Jaan Se Banaya Phir Usi Se  
Uska Joda Paida Kiya Aur Tumhare Liye  
Chaupayo Se Aath Jode Utare Tumhein  
Tumhari Maa Ke Pet Mein Banata Hai Ek  
Tarah Ke Baad Aur Tarah Teen Andheriyo  
Mein Ye Hai Allah Tumhara Rab Usi Ki  
Badshahi Hai Uske Siwa Kisi Ki Bandagi Nahin  
Phir Kahan Phere Jaate Ho (6)

Agar Tum Nashukri Karo To Beshak Allah Be  
Niyaaz Hai Tum Se Aur Apne Bando Ki  
Nashukri Use Pasand Nahin Aur Agar Shukr  
Karo To Use Tumhare Liye Pasand Farmata Hai  
Aur Koi Bojh Uthane Waali Jaan Dusre Ka Bojh  
Nahin Uthayegi Phir Tumhein Apne Rab Hi Ki  
Taraf Phirna Hai To Wo Tumhein Bata Dega Jo  
Tum Karte The Beshak Wo Dilo Ki Baat Jaanta  
Hai (7)

Aur Jab Aadmi Ko Koi Takleef Pahunchti Hai  
Apne Rab Ko Pukarta Hai Usi Taraf Jhuka Hua  
Phir Jab Allah Ne Use Apne Paas Se Koi Nemat

Di To Bhool Jaata Hai Jis Liye Pehle Pukara  
Tha Aur Allah Me Liye Barabar Waale  
Thehrane Lagta Hai Taaki Uski Raah Se Behka  
De Tum Farmao Thode Din Apne Kufr Ke  
Saath Barat Le Beshak Tu Dozakhiyo Mein Hai  
(8)

Kya Wo Jise Farmanbardari Mein Raat Ki  
Ghadiya Guzri Sujood Mein Aur Qiyaam Mein  
Aakhirat Se Darta Aur Apne Rab Ki Rahmat Ki  
Aas Lagaye Kya Wo Nafarmano Jaisa Ho  
Jayega Tum Farmao Kya Barabar Hain Janne  
Waale Aur Anjaan Naseehat To Wahi Maante  
Hain Jo Aql Waale Hain (9)

Tum Farmao Aye Mere Bando Jo Imaan Laaye  
Apne Rab Se Daro Jinhone Bhalai Ki Unke Liye  
Is Dunya Mein Bhalai Hai Aur Allah Ki Zameen  
Wasee Hai Sabiro Hi Ko Unka Sawab Bharpoor  
Diya Jayega Be Ginti (10)

### Aayat 11-20

Tum Farmao Mujhe Hukm Hai Ke Allah Ko  
Puju Nira Us Ka Banda Ho Kar (11)

Aur Mujhe Hukm Hai Ke Main Sabse Pehle  
Gardan Rakhu (12)

Tum Farmao Bilfarz Agar Mujhse Nafarmani  
Ho Jaaye To Mujhe Bhi Apne Rab Se Ek Bade  
Din Ke Azaab Ka Dar Hai (13)

Tum Farmao Main Allah Hi Ko Poojta Hoon  
Nira Uska Banda Ho Kar (14)

To Tum Uske Siwa Jise Chaho Pujo Tum  
Farmao Poori Haar Unhein Jo Apni Jaan Aur  
Apne Ghar Waale Qiyamat Ke Din Haar Baithe  
Haan Yahi Khuli Haar Hai (15)

Unke Upar Aag Ke Pahaad Hain Aur Unke  
Niche Pahaad Usi Se Allah Darata Hai Apne  
Bando Ko Aye Mere Bando Tum Mujhse Daro  
(16)

Aur Wo Jo Buto Ki Puja Se Bache Aur Allah Ki  
Tarat Ruju Hue Unhi Ke Liye Khushkhabri Hai  
Ti Sunao Mere Bando Ko (17)

Jo Kaan Laga Kar Baat Sunein Phir Us Ke  
Behtar Par Chalein Ye Hain Jin Ko Allah Ne  
Hidayat Farmai Aur Ye Hain Jinko Aql Hai (18)

To Kya Wo Jis Par Azaab Ki Baat Saabit Ho  
Chuki Najaat Waalo Ke Barabar Ho Jayega To  
Kya Tum Hidayat De Kar Aag Ke Mustahiq Ko  
Bacha Loge (19)

Lekin Jo Apne Rab Se Dare Unke Liye Baala  
Khane Hain Un Par Baala Khane Bane Unke

---

Niche Nehrein Bahein Allah Ka Waada Allah  
Waada Khilaf Nahin Karta (20)

## Aayat 21-31

Kya Tune Na Dekha Ke Allah Ne Aasman Se  
Paani Utara Phir Us Se Zameen Mein Chashme  
Banaye Phir Usse Kheti Nikaalta Hai Kai  
Rangat Ki Phir Sookh Jaati Hai To Tu Dekhe  
Ke Wo Peeli Pad Gai Phir Use Reza Reza Kar  
Deta Hai Beshak Us Mein Dhyaan Ki Baat Hai  
Aql Mando Ko (21)

To Kya Wo Jiska Seena Allah Ne Islam Ke Liye  
Khol Diya To Wo Apne Rab Ki Taraf Se Noor  
Par Hai Us Jaisa Ho Jayega Jo Sang Dil Hai To  
Kharabi Hai Unki Jinke Dil Yaade Khuda Ki  
Taraf Se Sakht Ho Gaye Hain Wo Khuli  
Gumrahi Mein Hain (22)

Allah Ne Utaaru Sab Se Achhi Kitab Ke Awwal  
Se Aakhir Tak Ek Si Hai Dohre Bayaan Waali  
Isse Baal Khade Hote Hain Unke Badan Par Jo  
Apne Rab Se Darte Hain Phir Unki Khaalein  
Aur Dil Narm Padte Hain Yaade Khuda Ki  
Taraf Raghbat Mein Ye Allah Ki Hidayat Hai  
Raah Dikhaye Use Jise Chahe Aur Jise Allah

Gumrah Kare Use Koi Raah Dikhane Waala Nahin (23)

To Kya Wo Jo Qiyamat Ke Din Bure Azaab Ki Dhaal Na Payega Apne Chehre Ke Siwa Najaat Waale Ki Tarah Ho Jayega Aur Zalimo Se Farmaya Jayega Apna Kamaya Chakho (24)

Un Se Aglo Ne Jhutlaya To Unhein Azaab Aaya Jahan Se Unhein Khabar Na Thi (25)

Aur Allah Ne Unhein Dunya Ki Zindagi Mein Ruswai Ka Maza Chakhaya Aur Beshak Aakhirat Ka Azaab Sabse Bada Kya Achha Tha Agar Wo Jaante (26)

Aur Beshak Humne Logon Ke Liye Is Quran Mein Har Qism Ki Kahawat Bayaan Farmai Ke Kisi Tarah Unhein Dhyaan Ho (27)

Arabi Zubaan Ka Quran Jis Mein Aslam Kuji Nahin Ke Kahin Wo Darein (28)

Allah Ek Misaal Bayaan Farmaya Hai Ek Ghulam Mein Kai Badkhu Aaqa Shareek Aur Ek Nire Ek Maula Ka Kya Un Dono Ka Haal Ek Sa Hai Sab Khoobiya'n Allah Ko Balki Unke Aksar Nahin Jaante (29)

Beshak Tumhein Inteqal Farmana Hai Aur Unko Bhi Marna Hai (30)

Phir Tum Qiyamat Ke Din Apne Rab Ke Paas



## Our Books In Roman Urdu :

- (1) Bahaar -e- Tehreer (14 Parts)
  - Abde Mustafa Muhammad Sabir Qadri
- (2) Allah Ta'ala Ko Uparwala Ya Allah Miyan Kehna Kaisa?
  - Abde Mustafa Muhammad Sabir Qadri
- (3) Azaan -e- Bilal Aur Suraj Ka Nikalna
  - Abde Mustafa Muhammad Sabir Qadri
- (4) Ishqe Majazi (Muntakhab Mazameen Ka Majmua)
  - Abde Mustafa Official
- (5) Gaana Bajana Band Karo, Tum Musalman Ho!
  - Abde Mustafa Muhammad Sabir Qadri
- (6) Shabe Meraj Ghause Paak
  - Abde Mustafa Muhammad Sabir Qadri
- (7) Shabe Meraj Nalain Arsh Par
  - Abde Mustafa Muhammad Sabir Qadri
- (8) Hazrate Owais Qarni Ka Ek Waqiya
  - Abde Mustafa Muhammad Sabir Qadri
- (9) Dr. Tahir Aur Waqar -e- Millat
  - Abde Mustafa Muhammad Sabir Qadri
- (10) Taqreer Karne Waala Kaisa Ho?
  - Abde Mustafa Muhammad Sabir Qadri
- (11) Ghaire Sahaba Mein Radiallaho Ta'ala Anho Ka Istemal
  - Abde Mustafa Muhammad Sabir Qadri
- (12) Ikhtelaf Ikhtelaf Ikhtelaf
  - Abde Mustafa Muhammad Sabir Qadri
- (13) Chand Waqiyat -e- Karbala Ka Tehqeeqi Jaayeza
  - Abde Mustafa Muhammad Sabir Qadri
- (14) Binte Hawwa (Ek Sanjida Tehreer)
  - Kanize Akhtar
- (15) Sex Knowledge (Islam Mein Sohbat Ke Aadab)
  - Abde Mustafa Muhammad Sabir Qadri

- (16) Hazrate Ayyoob Alaihissalam Ke Waqiye Par Tehqeeq
  - Abde Mustafa Muhammad Sabir Qadri
- (17) Aurat Ka Janaza - Janabe Ghazal Sahiba
- (18) Ek Aashiq Ki Kahani Allama Ibne Jauzi Ki Zubaani
  - Abde Mustafa Muhammad Sabir Qadri
- (19) Huzoor Ki Shaan In The Quraan
  - Mufti Ahmad Yaar Khan Nayeemi
- (20) Husne Mustafa Aur Kalame Raza
  - Maulana Sajjad Ali Faizi
- (21) Afzaliyate Siddique -e- Akbar Wa Farooqe Aazam
  - Tajushshariah, Mufti Akhtar Raza Khan
- (22) Kya Hazrate Bilal Radiallaho Ta'ala Anho Ka Rang Kaala Tha? - Abde Mustafa Muhammad Sabir Qadri
- (23) Hazrate Bilal Ke Islam Laane Ka Waqiya Kya Tha?
  - Abde Mustafa Muhammad Sabir Qadri
- (24) Sharah Mishkaat (Kitabul Iman)
  - Mufti Ahmad Yaar Khan Nayeemi
- (25) Chand Ghair Motabar Kitabein - Maulana Hasan Noori
- (26) Tirmizi (Part 1) - Muhammad Bin Eisa Tirmizi
- (27) Aaiye Namaz Seekhein (Part 1)
  - Abde Mustafa Muhammad Sabir Qadri
- (28) Sharah Mishkaat (Kitabul Ilm)
  - Mufti Ahmad Yaar Khan Nayeemi
- (29) Sahih Bukhari Aur Ilme Ghaib
  - Allama Muhammad Abdul Qadir
- (30) Difa -e- Kanzul Iman
  - Tajushshariah, Mufti Akhtar Raza Khan
- (31) Pehle Farz Nafl Baad Mein
  - Aala Hazrat, Imam Ahmad Raza Khan Barelvi
- (32) Qiyamat Ke Din Logon Ko Kis Ke Naam Ke Saath Pukara Jayega - Abde Mustafa Muhammad Sabir Qadri
- (33) Yaare Ghaar - Dr. Asif Ashraf Jalali
- (34) Tie Ka Mas'ala - Huzoor Tajushshariah

- (35) Sawaneh Tajushshariah - Mufti Dr. Yunus Raza
- (36) Huzoor Tajushshariah Aur Bukhari Shareef Ki Pehli Hadees Ka Dars - Maulana Muhammad Raza Markazi
- (37) Huzoor Tajushshariah Ke Kalaam Mein Muhawraat Ka Istemal - Muhammad Kashif Raza Shaad Misbahi
- (38) Hussamul Haramain
  - Aala Hazrat Imam Ahmad Raza Khan Barelv
- (39) Haque Par Kaun? - Allama Muhammad Zafar Attari
- (40) Shirk Kya Hai? - Allama Muhammad Ahmad Misbahi
- (41) Qurbani Ka Bayaan From Bahaar -e- Shariat
  - Allama Mufti Amjad Ali Aazmi
- (42) Zibah Ka Bayaan From Bahaar -e- Shariat
  - Allama Mufti Amjad Ali Aazmi
- (43) Eisaiyat Se Islam Tak
  - Allama Ghulam Rasool Qasmi
- (44) Zambik Ka Maana Aur Masla -e- Durood
  - Allama Syed Ahmad Sayeed Kaazmi
- (45) Islami Taleem (Part 1)
  - Allama Mufti Jalaluddin Ahmad Amjadi
- (46) Muharram Mein Kya Jaiz Aur Kya Najaiz?
  - Allama Tatheer Ahmad Razvi
- (47) Muharram Mein Nikah
  - Abde Mustafa Muhammad Sabir Qadri
- (48) Islami Zindagi
  - Mufti Ahmad Yaar Khan Nayeemi
- (49) Riwayato Ki Tehqeeq (Part 1)
  - Abde Mustafa Muhammad Sabir Qadri
- (50) Riwayato Ki Tehqeeq (Part 2)
  - Abde Mustafa Muhammad Sabir Qadri
- (51) Sharhe Kalaame Raza
  - Al Hafiz Al Qaari Maulana Ghulam Hasan Qadri
- (52) Imamul Ayimma Abu Bakr Siddique
  - Allama Ghulam Rasool Qasmi

- (53) Aulia -e- Rijalul Hadees
  - Allama Abdul Mustafa Aazmi
- (54) Tamheede Imaan - Aala Hazrat, Imam Ahmad Raza Khan
- (55) Sharah Qasida -e- Meraj
  - Al Hafiz Al Qaari Maulana Ghulam Hasan Qadri
- (56) Imam Mahdi (Zamana -e- Zuhoor Aur Alamaat)
  - Imam Ibne Hajar Haytmi Shafayi
- (57) Break Up Ke Baad Kya Karen?
  - Abde Mustafa Muhammad Sabir Qadri
- (58) Ek Nikah Aisa Bhi
  - Abde Mustafa Muhammad Sabir Qadri
- (59) Ali Wa Muawiya - Allama Ghulam Rasool Qasmi
- (60) Kafir Se Sood - Abde Mustafa Muhammad Sabir Qadri
- (61) Main Khan Tu Ansari
  - Abde Mustafa Muhammad Sabir Qadri
- (62) Riwayato Ki Tehqeeq (Part 3)
  - Abde Mustafa Muhammad Sabir Qadri fficial
- (63) Jurmana - Abde Mustafa Muhammad Sabir Qadri
- (64) La Ilaha Illallah, Chishti Rasoolullah?
  - Abde Mustafa Muhammad Sabir Qadri
- (65) Hazrate Ali Ki Wiladat Kahan Hui?
  - Allama Qari Luqman Shahid
- (66) Sarkar Ka Hulya Mubarak Ba Riwayate Umme Mabad
  - Abde Mustafa Muhammad Sabir Qadri
- (67) Qanoon -e- Shariat - Allama Qazi Shamsuddin Ahmad
- (68) Saniha -e- Karbala - Allama Ghulam Rasool Qasmi
- (69) Shirk Ki Haqeeqat - Allama Asif Abdullah Qadri
- (70) Be Peer Ka Peer Shaitan Hai
  - Aala Hazrat, Imam Ahmad Raza Khan Barelvi
- (71) Islami Aqaid - Allama Mufti Faiz Ahmad Owaisi
- (72) Zarbe Haidari - Allama Ghulam Rasool Qasmi
- (73) Saltanat -e- Mustafa
  - Allama Mufti Ahmad Yaar Khan Nayeemi

(74) Badmazhabo Se Rishte

- Allama Mufti Jalaluddin Ahmad Amjadi

(75) Main Nahin Jaanta

- Maulana Hasan Noori Gondavi

(76) Safarnaama Bilaade Khamsa

- Abde Mustafa Muhammad Sabir Qadri

(77) Mansoor Hallaj

- Abde Mustafa Muhammad Sabir Qadri

(78) Tehqeeqe Imamat

- Imame Ahle Sunnat, Aala Hazrat Rahimahullahu Ta'ala

(79) Gustakhe Nabi Kafir Hai

- Imame Ahle Sunnat, Aala Hazrat

(80) Gustakhe Nabi Ke Qatl Ki Hadees Par Tehqeeq

- Zubair Jamalvi

(81) Seerate Mustafa

- Allama Abdul Mustafa Aazmi Rahimahumullahu Ta'ala

(82) Tablighi Jama'at Ka Fareb

- Allama Sayyid Shah Turabul Haque Qadri

(83) Sunni Kaun? Wahabi Kaun?

- Abde Mustafa Muhammad Sabir Qadri

(84) Farzi Qabrein - Abde Mustafa Muhammad Sabir Qadri

(85) Imam Abu Yusuf Ka Difaa

- Imame Ahle Sunnat, Aala Hazrat Rahimahullahu Ta'ala

(86) Hindustan Daarul Harab Ya Daarul Islam?

- Abde Mustafa Muhammad Sabir Qadri

(87) Raza Ya Riza?

- Abde Mustafa Muhammad Sabir Qadri

(88) 786/92 - Abde Mustafa Muhammad Sabir Qadri

(89) Fitna Gauhar Shahi

- Abde Mustafa Muhammad Sabir Qadri

(90) Deeni Taleem

- Allama Sayyid Turabul Haq Qadri

(91) Sallimu Tasleema - Khwaja Shauq

(92) Missionary Schools Mein Muslim Talaba Ka Anjaam

- Allama Imam Nabhani Rahimahullahu Ta'ala

(93) Salasil Mein Bante Hue Sunni Kab Ek Honge?

- Abde Mustafa Muhammad Sabir Qadri

(95) Fatawa Barakaate Raza (Vol.1) - Mufti Abdus Sattar Faizi

(96) Ashraful Fuqaha (Seerat) - Ashraful Fuqaha Society

(97) Maahe Ramazan Aaya

- Muhammad Abdus Salam Amjadi

(98) Achihi Betiyaa'n - Qari Muhammad Naseem Qadri

(99) Kanzul Imaan

- Imame Ahle Sunnat, Aala Hazrat Rahimahullahu Ta'ala

**AMO****SABIYA**  
VIRTUAL PUBLICATION**enikah****niiii****BOOKS****PS**  
graphics

# DONATE ❤️

## ABDE MUSTAFA OFFICIAL



**Abde Mustafa Official** is a team from Ahle Sunnat Wa Jama'at working since 2014 on the Aim to propagate Quraan and Sunnah through electronic and print media. We're working in various departments.

**Blogging :** We have a collection of Islamic articles on various topics. You can read hundreds of articles in multiple languages on our blog.

[amo.news/blog](http://amo.news/blog)

**Sabiya Virtual Publication**

This is our core department. We are publishing Islamic books in multiple languages. Have a look on our library [amo.news/books](http://amo.news/books)

**E Nikah Matrimonial Service**

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for you.

[www.enikah.in](http://www.enikah.in)

**E Nikah Again Service**

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

**Roman Books**

Roman Books is our department for publishing Islamic literature in Roman Urdu Script which is very common on Social Media.

read more about us on [amo.news](http://amo.news)

For futher inquiry: [info@abdemustafa.com](mailto:info@abdemustafa.com)

**SCAN HERE**



₹ PhonePe G Pay Paytm  
**9102520764**

**BANK DETAILS**

Account Details :

**Airtel Payments Bank**

Account No.: 9102520764

(Sabir Ansari)

IFSC Code : AIRP0000001

or open this link | [amo.news/donate](http://amo.news/donate)



# Kanzul imaan

A

**Abde Mustafa Official** is a team from Ahle Sunnat Wa Jama'at working since 2014 on the Aim to propagate Quraan and Sunnah through electronic and print media. We're working in various departments.

**Blogging :** We have a collection of Islamic articles on various topics. You can read hundreds of articles in multiple languages on our blog.

**[blog.abdemustafa.com](http://blog.abdemustafa.com)**

**Sabiya Virtual Publication**

This is our core department. We are publishing Islamic books in multiple languages. Have a look on our library **[books.abdemustafa.com](http://books.abdemustafa.com)**

**E Nikah Matrimonial Service**

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for you. **[www.enikah.in](http://www.enikah.in)**

**E Nikah Again Service**

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

**Roman Books**

Roman Books is our department for publishing Islamic literature in Roman Urdu Script which is very common on Social Media.

read more about us on **[www.abdemustafa.com](http://www.abdemustafa.com)**

For futher inquiry: [info@abdemustafa.com](mailto:info@abdemustafa.com)

M

O

ISBN (N/A)

**AMO**  
ABDE MUSTAFA OFFICIAL

**SABIYA**  
VIRTUAL PUBLICATION

